



## Šal-okovratnik sa eksternom baterijom

### -Uputstvo za upotrebu-

#### Sadržaj:

1. Uključeno u isporuku .....	2
1.1 Opis uređaja .....	2
2. Važne upute	
Čuvajte za buduću upotrebu .....	2
3. Predviđena upotreba .....	4
4. Rad .....	4
4.1 Bezbednost .....	4
4.2 Punjenje powerbank-a ( eksterne baterije) .....	4
4.3 Punjenje pametnog telefona preko powerbank-a .....	5
4.4 Upravljanje grijaćim jastučićem .....	5
4.5 Uključivanje .....	6
4.6 Podešavanje temperature .....	6
4.7 Isključivanje .....	6
4.8 Vrijeme automatskog isključivanja .....	6
5. Čišćenje i održavanje .....	7
6. Skladištenje .....	7
7. Odlaganje.....	8
8. Šta ako postoje problemi?.....	8
9. Tehnički podaci .....	8
10. Rezervni dijelovi .....	8
11. Garancija .....	9

## Znakovi i simboli


	Pročitajte uputstvo!		30° C ekstra nježan program pranja
			Nemojte izbjeljivati
	Ne stavljajte igle!		Ne sušiti u sušilici
			Nemojte peglati
	Nemojte koristiti presavijeno ili zgužvano		Nemojte suho čistiti
	Vrlo mala djeca (0-3 godine) nemojte da koriste uređaj		
	<b>UPOZORENJE:</b> upozorenje o opasnosti od povreda ili zdravstvenih opasnosti		
	<b>OPREZ:</b> Sigurnosne informacije o mogućem oštećenju uređaja/dodataka		
	<b>NAPOMENA:</b> Važne informacije		

### 1. Uključeno u isporuku

- 1x powerbank ( eksterna baterija)
- 1x grijaći jastučić
- 1x kabal za punjenje
- 1x ove upute za upotrebu

#### 1.1 Opis uređaja

- 1 Grijaći jastučić
- 2 On/Off dugme (uključivanje/isključivanje) sa LED displejom
- 3 Priključni kabal
- 4 Powerbank
- 5 Ugrađeni džep za powerbank
- 6 Vezica
- 7 Kabal za punjenje



### 2. Važne upute

#### Čuvajte za buduću upotrebu



#### UPOZORENJE:

Nepridržavanje slijedećih napomena može dovesti do povreda ili materijalne štete (električni udar, opekotine kože, požar). Slijedeće informacije o sigurnosti i opasnosti nisu samo namijenjene zaštiti vašeg zdravlja i zdravlja drugih, nego štite i proizvod. Iz tog razloga obratite pozornost na ove sigurnosne napomene i dodajte ove upute prilikom predaje proizvoda drugima.

- Ovaj grijaći jastučić ne smiju koristiti osobe koje nisu osjetljive na toplinu ili osjetljive osobe koje neće moći reagirati na pregrijavanje (npr. dijabetičari, osobe sa kožnim promjenama usljed bolesti ili osobe s ožiljcima na tkivu na području gdje se jastučić treba primijeniti, nakon uzimanja lijekova protiv bolova

ili alkohola).

- Ovaj grijaći jastučić ne smiju koristiti vrlo mala djeca (0-3 godine), jer ne mogu reagovati na pregrijavanje.
- Grijaći jastučić ne smiju koristiti mala djeca (3-8 godina), osim ako roditelj ili druga odgovorna odrasla osoba nije podesila powerbank, a dijete je dobilo odgovarajuće upute o tome kako sigurno koristiti grijaći jastučić.
- Ovaj grijaći jastučić mogu koristiti djeca iznad 8 godina i osobe sa smanjenim fizičkim, senzornim ili mentalnim vještinama ili nedostatkom iskustva ili znanja, pod uslovom da su pod nadzorom i upućeni su kako se grijaći jastučić bezbjedno koristi, te su potpuno svjesni posljedičnih rizika upotrebe.
- Djeca se ne smiju igrati sa grijaćim jastučićem ili eksternom baterijom.
- Čišćenje i korisničko održavanje ne smiju obavljati djeca, osim ako su pod nadzorom.
- Ovaj grijaći jastučić nije namijenjen za upotrebu u bolnicama.
- Nemojte stavljati igle.
- Nemojte ga koristiti kada je savijen ili skupljen.
- Nemojte koristiti ako je grijaći jastučić vlažan.
- Ovaj grijaći jastučić smije se koristiti samo u kombinaciji s powerbank-om određenim na etiketi.
- Električna i magnetska polja koja emitira ovaj grijaći jastučić mogu ometati funkciju pejsmejera (pacemaker-a). Međutim, ona su još uvijek u granicama: električna snaga polja: max. 5000 V / m, snaga magnetskog polja: max. 80 A / m, gustoća magnetskog toka: maks. 0,1 militesla. Prije korištenja ovog grijaćeg jastučića konsultirajte svog doktora i proizvođača vašeg pejsmejera.
- Nemojte povlačiti, uvijati ili oštro savijati kabal.
- Molimo često provjeravajte da li grijaći jastučić ili powerbank imaju znakova trošenja i oštećenja. Ako su takvi znakovi vidljivi, i ako se grijaći jastučić ili powerbank ne koristi ispravno, proizvođač ih mora provjeriti prije ponovnog uključivanja.
- Ako je mrežni kabal ovog grijaćeg jastučića oštećen, mora biti zamijenjen od strane proizvođača, korisničkog servisa ili od strane ovlaštene osobe kako bi se izbjegao rizik.
- Dok je grijaći jastučić uključen, mora se pridržavati slijedećih uvjeta:
  - Predmeti se ne smiju postavljati na grijaći jastučić (npr. kofer ili korpa za veš).
  - Izvori topline, kao što su flaše sa toplom vodom, podloge za grijanje ili slično, ne smiju se postavljati na grijaći jastučić.
- Nemojte izlagati powerbank izravnoj sunčevoj svjetlosti ili visokom temperaturama. U suprotnom powerbank bi se mogao pregrijati i nepopravljivo oštetiti.
- Nikada nemojte izlagati powerbank ekstremnim vrućinama. Ovo se naročito odnosi na skladištenje u automobilu. Ekstremne temperature mogu se zadesiti unutar vozila i u pretincu, kada je vozilo parkirano dugo vremena. Stoga, sklonite powerbank iz vozila.
- Powerbank nikad ne smije biti punjen i pražnjen istovremeno.
- Nikada nemojte puniti powerbank pomoću USB priključka na kompjuteru, jer bi mogao biti preopterećen.
- Nemojte pokrivati powerbank sa prekrivačima, jastucima ili sličnim tokom punjenja, kako biste spriječili pregrijavanje.
- Kad koristite USB priključak, utičnica mora biti uvijek lako dostupna, tako da se USB priključak može brzo odspojiti iz utičnice u opasnoj situaciji. Dodatne informacije potražite u uputama za upotrebu USB priključka.
- Rizik od eksplozije! Nepravilno rukovanje baterijama može dovesti do požara, eksplozija, curenja opasnih tvari ili da dovede do drugih opasnih situacija! Nemojte bacati powerbank u vatru, jer bi integrirana baterija mogla eksplodirati.
- Nemojte rastavljati, otvarati ili gnječiti baterije.
- Koristite samo punjače navedene u uputama za upotrebu.
- Baterije moraju biti napunjene ispravno prije upotrebe. Uvijek se pridržavajte uputa proizvođača i specifikacija u ovim uputama za pravilno punjenje.
- Uvijek pratite napomene o radu (odjeljak 4), čišćenje i održavanje (odjeljak 5) i skladištenje (odjeljak 6).
- Ako imate bilo kakvih pitanja o korištenju naših uređaja, obratite se našem odjelu korisničkog servisa.

### 3. Predviđena upotreba



**VAŽNO** Ovaj grijaći jastučić je isključivo dizajniran da grije ljudsko tijelo. Ovaj grijaći jastučić je primjeren samo za ličnu upotrebu, a ne za medicinske ili komercijalne svrhe.

#### 4. Rad

##### 4.1 Bezbjednost



##### **VAŽNO**

Grijaći jastučić opremljen je funkcijom **SIGURNOSNOG ISKLJUČIVANJA**. Sigurnosno isključivanje sprječava pregrijavanje grijaćeg jastučića putem automatskog isključivanja u slučaju pogreške. Nakon što nastupi sigurnosno isključivanje, dugme On/Off (2) na grijaćem jastučiću i bijeli LED displej na powerbank-u (4) ostaje osvijetljen. Nakon hlađenja, grijaći jastučić ponovo se automatski uključuje.

##### 4.2. Punjenje powerbank-a ( eksterne baterije)



##### **VAŽNO**

Prije nego što počnete puniti powerbank (4), molimo pročitajte informacije u odjeljku 2 "Važne upute". Powerbank mora se u potpunosti napuniti prije početne upotrebe ili ako uređaj nije bio korišten duže vrijeme. Ako je powerbank potpuno ispražnjen, postupak punjenja će trajati otprilike 4.5 sati, dok se jedinica ponovo potpuno ne napuni. Da biste potpuno napunili powerbank, postupite na slijedeći način:

- Stavite isporučeni kabal za napajanje (7) u priključnu utičnicu powerbank-a.
- Spojite drugi kraj kabla za punjenje na USB punjač preko USB priključka (USB punjač sa 5V / 1A SELV u skladu sa zahtjevima IEC / EN 60335, nije uključen). Dok se puni, LED displej na powerbank-u bijelo treperi.
- Slijed bljeskanja bijelog LED displeja na powerbank-u pokazuje status punjenja baterije kada se puni i prazni:
  - 1 x bljesak: 0 - 25%
  - 2 x bljeska 26 - 50%
  - 3 x bljeska: 51 - 75%
  - 4 x bljeska 76 - 99%
- Trajno osvijetljeno: 100%

- Čim LED displej na powerbank-u trajno zasvijetli bijelom bojom, baterija powerbank-a je potpuno napunjena (nakon otprilike 4.5 sati od početka punjenja istrošene baterije).

- Bijeli LED displej na powerbank-u gasi se kratko nakon što je powerbank bio odspojen od USB punjača.
- Powerbank bi trebao biti napunjen barem jednom godišnje kako bi zadržao svoj kapacitet.
- Nemojte pokrivati powerbank sa pokrivačima, jastucima ili sličnim tokom postupka punjenja kako biste spriječili pregrijavanje.
- Powerbank puniti samo u suhoj sredini i pri normalnoj sobnoj temperaturi.

##### 4.3. Punjenje pametnog telefona preko powerbank-a

Powerbank se može koristiti pored upravljanja grijaćim jastučićem i za punjenje baterije pametnog telefona. Da biste napunili pametni telefon ( smartphone) pomoću powerbank-a, postupite kako slijedi:

- Spojite powerbank na svoj pametni telefon koristeći originalni USB kabal za punjenje od proizvođača pametnog telefona.



#### 4.4. Upravljanje grijaćim jastučićem:

- Stavite grijaći jastučić- šal okovratnik preko glave. Provjerite da je vezica (6) postavljena na vrhu, okrenuta prema naprijed. Osigurajte da se grijaći element nalazi na vašem vratu.
- Da biste podesili veličinu, možete povući vezicu (6).
- Stavite napunjeni powerbank (4) u ugrađeni džep (5) na grijaćem jastučiću
- Stavite utikač priključnog kabla grijaćeg jastučića (3) u utičnicu na powerbank-u. LED displej On/Off dugmeta (2) na grijaćem jastučiću kratko zasvijetli bijelom bojom tri puta. Grijaći jastučić je sada spreman za upotrebu.



**VAŽNO** Osigurajte da se grijaći jastučić ne presavije ili zgužva tokom upotrebe.

#### 4.5. Uključivanje

- Pritisnite dugme On/Off (2) kako biste uključili grijaći jastučić (1). LED displej dugmeta On/Off svijetli zeleno (minimalna toplina). LED displej powerbank-a (4) svijetli ili treperi bijelom bojom u zavisnosti od stanja napunjenosti powerbank-a.
- Ako pritisnete ponovo On/Off (uključivanje/ isključivanje) dugme, postavka temperature će se povećati ( srednja toplina). LED displej On/Off dugmeta svijetli žuto.
- Ako ponovno pritisnete On/Off dugme, grijaći jastučić prelazi na postavku maksimalne temperature ( maksimalna toplina). LED displej On/Off dugmeta svijetli crveno.
- Ako ponovno pritisnete On/Off dugme grijaći jastučić se isključuje. LED displej On/ Off dugmeta odmah se gasi i LED displej na powerbank-u gasi se nakon nekoliko sekundi.



**UPOZORENJE** Ako se grijaći jastučić koristi tokom nekoliko sati, preporučujemo da postavite najnižu postavku temperature, kako biste izbjegli pregrijavanje grijanog dijela tijela, a što može dovesti do opekotina na koži.



**NAPOMENA:** Kada je powerbank (4) skoro potpuno ispražnjen, grijaći jastučić se automatski isključuje kako bi se zaštitio powerbank. Powerbank se onda mora napuniti.

#### 4.6. Podešavanje temperature

OFF: On/Off dugme (2) nije osvijetljeno

Postavka 1: Minimalna toplina ( LED displej On/Off dugmeta svijetli zeleno)

Postavka 2: Srednja toplina ( LED displej On/ Off dugmeta svijetli žuto)

Postavka 3: Maksimalna toplina ( LED displej On/ Off dugmeta svijetli crveno)

#### 4.7. Isključivanje

Pritisnite On/Off dugme (2) da biste isključili grijaći jastučić (1). Slijed prebacivanja je 1 - 2 - 3 - OFF ... Ako je grijaći jastučić isključen, LED displej On/Off dugmeta odmah se gasi i LED displej na powerbank-u (4) se gasi nakon nekoliko sekundi.



**NAPOMENA:** Imajte na umu da powerbank (4) mora biti zaštićen od ekstremne hladnoće kako bi se održao njegov puni učinak.

#### 4.8. Vrijeme automatskog isključivanja

Ovaj grijaći jastučić (1) je opremljen funkcijom automatskog isključivanja. Ista isključuje dovod toplote otprilike 110 minuta nakon početne upotrebe. Dugme On/Off na grijaćem jastučiću (2) i bijeli LED displej na powerbank-u se gasi. Grijaći jastučić možete odmah ponovo uključiti pritiskom na dugme On/Off. Ukoliko više nije moguće uključiti grijaći jastučić, onda je powerbank ispražnjen.

#### 5. Čišćenje i održavanje:



**VAŽNO** • Prije čišćenja, uvijek prvo odspojite powerbank (4) od grijaćeg jastučića (1). Uklonite powerbank iz džepa grijaćeg jastučića. U suprotnom postoji rizik od oštećenja.



**VAŽNO** • Powerbank (4) nikada ne smije doći u dodir sa vodom ili drugim tekućinama, jer to može prouzročiti štetu.

Za čišćenje powerbank-a (4), koristite suhu krpu koja ne ostavlja dlačice. Nemojte koristiti hemijska ili abrazivna sredstva za čišćenje.



**VAŽNO** • Imajte na umu da se grijaći jastučić (1) ne može hemijski čistiti, sušiti u sušilici, izimati, provlačiti kroz valjak ili peglati. U suprotnom grijaći jastučić mogao bi biti oštećen. Ovaj grijaći jastučić može se prati u mašini za pranje veša. Da biste ovo učinili, stavite priključni kabal (3) u ugrađeni džep (5) i stavite grijaći jastučić (1) u vrećicu za veš. Postavite mašinu za pranje veša na posebno nježan ciklus pranja na 30°C (ciklus vune). Zbog ekoloških razloga, uvijek perite grijaći jastučić (1) sa ostalim tekstilnim materijalima. Koristite nježni deterdžent za pranje veša i mjerite isti prema uputama proizvođača.



**VAŽNO:** • Imajte na umu da učestalo pranje grijaćeg jastučića (1) negativno utiče na proizvod. Zato bi se grijaći jastučić trebao prati u mašini za pranje veša maksimalno 10 puta tokom svog vijeka trajanja. Pustite da se grijaći jastučić osuši ravno na stalku za sušenje veša.



**VAŽNO:** • Nemojte koristiti štipaljke ili slične predmete za pričvršćavanje grijaćeg jastučića (1) na stalak za sušenje veša. U suprotnom se grijaći jastučić se može oštetiti. • Ponovo spojite grijaći jastučić na powerbank (4), samo kada su grijaći jastučić i utikač priključnog kabla (3) potpuno suhi. U suprotnom powerbank i grijaći jastučić mogu biti oštećeni.

#### 6. Skladištenje

Ako ne namjeravate koristiti grijaći jastučić duži vremenski period, preporučujemo da ga uskladištite ravnog i raširenog. Uvijek uklonite powerbank. Uvjerite se da nema oštih nabora na grijaćem jastučiću u bilo kojem trenutku.



**VAŽNO:** Molimo dopustite da se grijaći jastučić (1) ohladi prije skladištenja. U suprotnom se grijaći jastučić može oštetiti. Da biste izbjegli oštre nabore na grijaćem jastučiću, nemojte stavljati bilo kakve predmete na njega dok je uskladišten.



**VAŽNO:** Stavite powerbank (4) na suho i hladno mjesto, bez prašine, daleko od direktne sunčeve svjetlosti. Powerbank mora biti napunjen jednom godišnje da bi zadržao kapacitet.

## 7. Odlaganje

Iz ekoloških razloga, nemojte odlagati uređaj u kućni otpad na kraju njegovog upotrebnog vijeka. Odložite uređaj na odgovarajuću lokalnu kolekciju ili tačku recikliranja u vašoj državi. Odložite uređaj u skladu sa Direktivom EC – WEEE (Otpadna električna i elektronska oprema). Ako imate bilo kakvih pitanja, molimo obratite se lokalnim tijelima nadležnim za odlaganje otpada. Prazne, potpuno ispražnjene baterije moraju se odlagati putem posebno označenih kutija za sakupljanje, tačaka za recikliranje ili kod prodavača elektronike. Zakonski ste dužni da odložite baterije.



## 8. Šta ako postoje problemi?

Problem	Uzrok	Rješenje
LED displej On/Off dugmeta (2) na grijačem jastučiću (1) i bijeli LED displej na powerbank-u (4) ne svijetle kada je: -powerbank spojen na grijaći jastučić i -On/Off dugme pritisnuto.	Powerbank je u potpunosti ispražnjen.	Napunite powerbank.
	Desilo se sigurnosno isključivanje usljed pogreške u grijačem jastučiću.	Dopustite da se grijaći jastučić ohladi na sobnu temperaturu i uključite ga ponovo.
LED displej On/Off dugmeta (2) na grijačem jastučiću (1) i bijeli LED displej na powerbank-u (4) ne svijetle kada je: -potpuno napunjen powerbank spojen na grijaći jastučić i -On/Off dugme pritisnuto.	Grijaći jastučić ili powerbank je neispravan.	Pošaljite grijaći jastučić i powerbank na servis.

## 9. Tehnički podaci

### Powerbank

Radna temperatura: 0 do + 45 ° C

Temperatura skladištenja: -10 ° C do + 45 ° C

Preporučena temperatura skladištenja: -10 ° C do + 25 ° C

Za tehničke podatke, pogledajte naljepnicu tipske pločice na grijačem jastučiću i na powerbank-u.

## 10. Rezervni dijelovi

Slijedeće rezervne dijelove možete dobiti direktno od korisničkog servisa:

- Powerbank ( art. br.163.296)
- Kabal za punjenje (art. br. 163.297)

USB® je registrovani zaštitni znak kompanije USB Implementers Forum Inc.

## 11. Garancija

U slučaju reklamacije pod garancijom, molimo obratite se lokalnom prodavcu ili lokalnom predstavniku koji je naveden na listi "međunarodni servis".U slučaju vraćanja uređaja molimo dodajte kopiju vašeg računa i kratak izvještaj o kvaru.

Primjenjuju se slijedeći uslovi garancije:

1. Garantni rok za BEURER proizvode je ili 3 godine ili - ako je duži - određeni garantni rok odnosno države, od datuma kupovine.

U slučaju reklamacije unutar garancije, datum kupovine treba da bude dokazan računom od kupovine ili fakturom.

2. Popravke (kompletnog uređaja ili dijelova uređaja) ne produžavaju garantni period.

3. Garancija ne važi za štete zbog:

a. nepravilnog postupanja, npr. kršenjem korisničkih uputa.

b. popravke ili promjene od strane kupca ili neovlaštene treće strane.

c. prevoza od proizvođača do potrošača ili tokom prevoza do servisnog centra.

d. Garancija ne važi za dodatke koji su podložni uobičajenom habanju (manžeta, baterije itd.).

4. Odgovornost za direktne ili indirektne posljedične gubitke izazvane uređajem je isključena, čak i ako je šteta na uređaju prihvaćena kao reklamacija unutar garancije.

-Podliježe greškama i promjenama